

国学大师章太炎撰写的陆荣廷墓誌铭

勋一位、耀武上将军、两广巡阅使陆君墓表

君讳荣廷，字干卿。其先广东高要人，徙广西为武鸣人，考业秀，县学武生。妣欧，君生逾年而孤，五岁丧母，育于外氏。七岁就傅，读书至古任侠事，辄乡慕之。筋力绝人，能兼人负担。年十六，赴龙州充缉捕兵，会法兰西寇越南，清廷嘱两广、雲南出师禦之。时桂林唐景嵩以吏部郎奉命勘越事，亦自立景军五营，君应募入选锋营。顷之，统帅冯子材以大军出镇南关，收失地。既克凉山，会贵州布政使王德榜前以偏师入越，方被围山谷间，闻捷，自围中突出，奋击断敌兵不相录，大破之，南服响震，而清廷殊未知，遽下令与敌和，将士怏怏然，无敢抗命者，君率兵跽（jì，长跪）景嵩前，泣，请毋听命，景嵩知君材，以兵授之而去。君率义勇乐从者五百人，入越南隈地，与法兰西军抗，遇大敌即敛兵避，其小敌也，即乘间掩击，必尽歼乃止。越南民争输饷给军，高平、七谿、广渊、谅山诸道多附从者。凡数年，法兰西人甚苦之，私请边帅苏元春徙其军入关，而约不得任以方面大将，元春许之。

君归自建立前营营带，累迁至荣字军统领。岑春煊督两广，以君剿山寇功，奏授广西右江镇总兵。事闻，法兰西公使以前私约赴清廷抗议，清廷下其事春煊，春煊覆曰：『中国仕将领，非他国所得可否。且为患越南者陆阿宋，今所请授总兵者陆荣廷。陆荣廷非陆阿宋，不得妄摭相冒。』法兰西使语塞。阿宋者，君小字，在越南时称之，故法兰西与苏元春结言，但称陆阿宋也。旋徙左江镇总兵，擢广西提督。未几武昌倡义，广西应之，以巡抚沈秉坤为都督，按察使王芝祥副。後二月，二帅亲統师踰岭，援武昌，以君代。时副总统黎公感广西之援，尤爱君。民国二年，黎公被脅（脅）入京师，君知大总统袁公必改号，阳顺命而阴自为备，外人不知也。四年秋，帝制议起，以明年为洪宪元年。其冬，蔡锷、唐继尧以雲南军讨袁氏，广东帅龙济光遣其兄覲光率师道百色，窥雲南，君伏兵袭破之，尽夺其仗，始宣言讨帝制，与雲南应。北伐次长沙，袁世凯卒，依法以黎公继，被任湖南督军，复徙广东。明年春，入覲，授两广巡阅使。

当是时，府院不辑，朝野框遽，黎公问军计，君素愷直，又生长山海间，不悉人情狙诈，入覲时，道铜山，与长江巡阅使张勋遇，勋阳示忠款，握手誓约百端，君信之。及对，即言张勋可属大事。归来三月，黎公竟以召勋败，君愤甚，与前临时大总统孙公谋会师北伐，议方起，勋以为故国务院总理段祺瑞所破，遂命其师曰“护法”云。君老于戎事，军行遇百姓有恩。初治广西，群盗屏迹，其後仍岁出师，未尝加赋，橐（tuó）中无馀金银。遇士大夫尤谦下，而时两广魁桀久相猜，广东人尤好弄，日夜接构。九年，陈炯明自东江来，番禺陷；明年，广西尽陷。君出避，未几，广西军民复请归主善後事，岁馀，亦去之。处吴下数年，绝口不谈国事，十七年十一月，终于上海，春秋七十有三。配谭夫人，子裕勋充袁氏侍从武官，早卒；庶长裕光，广西陆军第一师师长，次裕藩，广西宁武军副司令，次裕彰；孙四人。明年春，返葬武鸣狮啸山之阳。

余自讨帝制时识君，及君隐吴下，往视之，言语姁姁（xǔ，神态和悦），未尝有不平色，貌瓌异，啄锐决前出寸所，与明祖绝相似，为人表裡洞通，举事无不可语人者，独谩于张勋，率尔任举，幸其材劣，不返踵而仆，而君之过可谓如日月之蚀矣。然自民国兴至今二十馀岁，南北流汗，南弥汗于北，而慙（duì，怨恨，憎恶）北者咸慕越南，其两无所染者，独君与雲南倡义数公而已。抒恶亟易，今人之视君如灰尘，歿六年，未有表墓之石，二十三年春，旧部以为请，余以为闾幽辅微，野人之责也，故泐（逸之古体字）其事，树于墓道。

章太炎撰文

公元一九八八年九月十七日修立